

四庫全書

經部

欽定四庫全書

經部

程氏春秋分記卷八十一至八十二

詳校官監察御史臣李陽穀

給事中臣溫常綬覆勘

總校官原任中允臣王燕緒
校對官主簿臣汪日贊
謄錄監生臣沈應麟

欽定四庫全書

春秋分記卷七十八

宋 程公說 撰

吳世本

姬姓子爵興先出自周大王長子大伯與弟仲雍避少弟季歷賢而有聖子去之荆蠻號曰句吳句或為工夷言發聲也端委以治周禮荆蠻義之歸者千餘家為吳太伯太伯卒無子仲雍嗣立斷髮文身臚以為飾不與中國通及武王克商求其後

得周章已為吳君別封其弟虞仲為虞虞在中國
吳在蠻夷自大伯五世而得封十二世晉滅虞虞
滅二世而吳始大至壽夢稱王壽夢以上世數可
知而年紀則畧宣公八年楚盟吳越始見於傳成
七年經書吳襄公五年會戚書人十二年書子由
是得與中國會盟國在今平江府吳縣

壽夢

諸樊

餘祭

夷昧

王僚

闔廬

夫差

宣公傳八年夏楚滅舒蓼及滑汭盟吳越而還

呂祖謙曰當楚莊王時楚之威北加中國南被蠻
夷所謂盟吳越而還如傳所載則與舒絞州蓼相
似莊王既沒共王繼之吳始大晉申公巫臣以五
乘車教吳楚自此疲於奔命其後至於入郢幾滅
楚楚衰吳盛至夫差墮越又起矣

壽夢

名乘簡 王元年即位魯成之六年
也至襄十二年卒在位二十五年

成公經七年春吳伐鄭秋八月吳入州來

傳七年春吳伐鄭鄭成季文子曰中國不振旅蠻夷入
伐而莫之或恤無弔者也夫詩曰不弔昊天亂靡有定
其此之謂乎有上不弔其誰不受亂伯主上謂吾亡無日矣

君子曰知懼如是斯不亡矣

程敦厚曰自鄭之伐至黃池之會凡一百有二年

方鄭之伐吳之勢已侈矣柰何當時諸侯皆莫以
為恤而獨魯季文子歎焉而諸侯之不卹者以其
害之弗及也是不知鄭之為中國之權輿也鄭舉
則中國殆矣使當時諸侯合謀併力以為鄭之援
而制之於始則吳安能以遽熾乎

秋楚巫臣自晉使吳吳子壽夢說之乃通吳于晉以兩
之一卒適吳舍偏兩之一焉與其射御教吳乘車教之
戰陳教之叛楚寘其子狐庸焉使為行人於吳吳始伐

楚伐巢伐徐子重奔命馬陵之會吳入州來子重自鄭
奔命子重子反於是乎一歲七奔命蠻夷屬於楚者吳
盡取之是以始大通吳於上國

傳八年秋晉侯使申公巫臣如吳假道于莒

傳九年諸侯會于蒲是行也將始會吳吳人不至

經十有五年冬十有一月叔孫僑如會晉士燮齊高無

咎宋華元衛孫林父鄭公子鮒邾人會吳于鍾離

傳十五年冬十一月會吳于鍾離始通吳也

董仲舒繁露觀德篇云吳魯同姓也鍾離之會不得序而稱君殊魯而會之為夷狄之行也

襄公經三年春公子嬰齊帥師伐吳

傳三年春楚子重伐吳克鳩茲至于衡山使鄧廖侵吳
吳獲鄧廖伐楚取駕詳見楚夏晉欲修吳好將合諸侯

六月己未同盟于雞澤晉侯使荀會逆吳子于淮上吳
子不至

經五年夏仲孫蔑衛孫林父會吳于善道 秋公會晉

侯宋公陳侯衛侯鄭伯曹伯莒子邾子滕子薛伯齊世子光吳人鄫人于戚

傳五年夏吳子使壽越如晉辭不會于雞澤之故且請聽諸侯之好晉人將為之合諸侯使魯衛先會吳且告會期故孟獻子孫文子會吳于善道 秋九月丙午盟于戚會吳也

經十年春公會晉侯宋公衛侯曹伯莒子邾子滕子薛伯杞伯小邾子齊世子光會吳于祖

傳十年春會于相會吳子壽夢也

經十有二年秋九月吳子乘卒

傳十二年秋吳子壽夢卒臨力蒞功於周廟禮也

諸樊

名過壽夢長子壽夢有四子長諸樊次餘
祭次夷昧次季札札賢壽夢欲立之札遜
不可襄十二年壽夢卒諸樊立明年改元
既除喪遜札札棄其室而耕至二十五年

卒在位
十三年

襄公傳十三年秋楚共王卒吳侵楚戰于庸浦大敗吳

師獲公子黨君子以吳為不弔

詳見楚

經十有四年春王正月季孫宿叔老會晉士匄齊人宋人衛人鄭公孫蠻曹人莒人邾人滕人薛人杞人小邾人會吳于向秋楚公子貞帥師伐吳

傳十四年春吳告敗于晉會于向為吳謀楚故也范宣

子數吳之不德也以退吳人

吳伐楚喪故曰不德

吳子諸樊既除

喪

諸樊乘長子乘卒至此

春十七年既葬而除喪

將立季札

諸樊火弟

季札辭曰曹

宣公之卒也諸侯與曹人不義曹君

成十三年夏芻殺大子而自立

將

立子臧子臧去之遂弗為也以成曹君君子曰能守節
君義嗣也諸樊適子誰敢奸君有國非吾節也札雖不

才願附于子臧以無失節固立之棄其室而耕乃舍之
秋楚子為庸浦之役故子囊伐吳吳自臯舟之隘要
而擊敗之詳見楚

經二十有四年夏楚子伐吳

傳二十四年夏楚子為舟師以伐吳冬吳人召舒鳩
人叛楚

經二十有五年冬十有二月吳子遏伐楚門于巢卒

傳二十五年秋七月楚伐舒鳩及離城吳人救之子木

遽以右師先子彊息桓子捷子駢子孟帥左師以退

不及子木與

吳相遇而退

吳人居其間七日居楚兩軍之間子彊曰請以其

私卒誘之簡師陳以待我乃可以免不然必為吳禽從

之五人以其私卒先擊吳師吳師奔登山以望見楚師

不繼復逐之傳諸其軍簡師會之吳師大敗

冬十二

月吳子諸樊伐楚以報舟師之役門于巢巢牛臣曰吳

王勇而輕若啓之將親門我獲射之必殪是君也死疆
其少安從之吳子門焉牛臣隱於短牆以射之卒

餘祭

壽夢次子襄二十五年嗣立明年
改元至二十九年遇弑在位四年

襄公傳二十六年夏楚子秦人侵吳及雩婁聞吳有備
而還

經二十有九年夏五月閼弑吳子餘祭吳子使札來聘
傳二十九年夏五月吳人伐越獲俘焉以為閼使守舟

吳子餘祭觀舟闇以刀弑之 六月吳公子札來聘

吳子

既遣札而後死札以六月到魯未聞喪 請觀於周樂使工為之歌周南召南

邶鄘衛王鄭齊幽秦魏唐陳雅頌其出聘也通嗣君也

吳子餘祭嗣立故遂聘于齊聘于鄭見子產如舊相識與之縞

帶子產獻紵衣焉適魏適晉

詳見禮樂書

夷昧

壽夢次子襄二十九年嗣立明年改元至昭十五年卒在位十七年欲兄弟傳立以

次立札札逃去乃立王僚

襄公傳三十一年冬十一月吳子使屈狐庸聘于晉通

路也

通吳晉路

趙文子問焉曰延州來季子其果立乎

新注杜云

延州來季子邑是以三字為一邑矣詳見疆理書

巢隕諸樊閭戩戴吳

餘祭天似

啓之何如對曰不立是二王之命也非啓季子也若天

所啓其在今嗣君乎

夷昧嗣君

甚德而度德不失民度不失

事民親而事有序其天所啓也有吳國者必此君之子
孫實終之季子守節者也雖有國不立

昭公經四年秋七月楚子蔡侯陳侯許男頓子胡子沈

卷之十八

子淮夷伐吳

傳四年秋七月楚子

靈王

以諸侯伐吳圍朱方冬吳伐楚

經五年冬楚子蔡侯陳侯許男頓子沈子徐人越人伐吳

傳五年冬十月楚子伐吳吳人敗諸鵲岸楚子至羅汭
吳子使其弟蹶由犒師楚人執之將以釁鼓王使問焉
曰女卜來吉乎對曰吉寡君聞君將治兵於敝邑卜之
以守龜曰余亟使人犒師請行以觀王怒之疾徐而為

之備尚克知之龜兆告吉曰克可知也君若驩焉好逆
使臣滋敝邑休怠而忘其死亡無日矣今君奮焉震電
馮怒虧執使臣將以釁鼓則吳知所備矣敝邑雖羸若
早修完其可以息師難易有備可謂吉矣且吳社稷是
卜豈為一人使臣獲釁軍鼓而敝邑知備以禦不虞其
為吉孰大焉國之守龜其何事不卜一臧一否其誰能
常之城濮之兆其報在邲城濮戰楚卜吉其效在邲今此行也其庸
有報志言吳有報楚意乃弗殺吳早設備楚無功而還以蹶由

歸

經六年秋九月楚薳罷帥師伐吳

傳六年秋九月楚薳薳罷薳帥師伐吳
廢尹棄疾詳見楚

經十有三年冬吳滅州來

傳十三年夏五月楚子靈薳而死楚師還吳人敗諸豫
章獲其五帥薳侯等薳子薳冬吳滅州來令尹子旗請伐吳平

王棄疾弗許

經十有五年春王正月吳子夷昧卒

無傳

王僚

名僚夷昧子昭十五年嗣立明年改元至二十七年遇弑在位十二年

昭公經十有七年冬楚人及吳戰于長岸

傳十七年冬吳伐楚戰于長岸大敗吳師獲其乘舟餘皇

舟名

使隨人與後至者守之環而塹之及泉盈其隧炭

陳以待命

隧出入道

吳公子光

闔廬

請於其衆曰喪先王之乘

舟豈唯光之罪衆亦有焉請藉取之以救死

藉衆力以取舟

許之使長鬚者三人長鬚多鬚
詐為楚人潛伏於舟側曰我呼餘皇則對師夜從之吳師三呼皆迭對楚人從而殺之楚師

亂吳人大敗之取餘皇以歸

傳十九年秋令尹子瑕言蹶由於楚子乃歸蹶由

傳二十年春三月伍貞如吳

時楚平王以
譖殺其父奢

言伐楚之利

于州于王僚公子光曰是宗為戮而欲反其讎不可從也

貞曰彼將有他志

光欲弑僚
進勇余姑為之求士而鄙以待之

士求入於光乃見鯈設諸焉而耕於鄙

晁補之曰世皆罪楚平王之信讒奪婦賊殺不辜
而多伍貞忍垢含恥卒報平王蓋聲烈光於百世
而如存獨申包胥謂為已甚揚子雲亦論而非之
然以貞事言之始干吳王僚以伐楚而病公子光
之不從若退而別求所以報楚尚或可也知光欲
篡至進刺客陷人弑君成已報父人誰無父僚何
辜焉昔之人求子者曰不以人子吾子其可得乎
其言悲矣貞誠以其父故不暇避此而罪則當為

世大戮

經二十有三年秋七月戊辰吳敗頓胡沈蔡陳許之師于雞父胡子髡沈子逞滅獲陳夏齧

傳二十三年秋七月吳人伐州來楚薳越帥師令尹以疾從戎

薳越攝事及諸侯之師奔命救州來吳人禦諸鍾離子瑕卒

楚師燔吳楚謂火滅為惜吳公子光曰諸侯從於楚者衆而皆

小國也畏楚而不獲已是以來吾聞之曰作事威克其

愛雖小必濟胡沈之君幼而狂陳大夫齧壯而頑頓與

許蔡疾楚政楚令尹死其師燭帥賤遠多寵政令不壹

七國同役而不同心

楚頓胡沈帥

賤而不能整無大威

命楚可敗也若分師先以犯胡沈與陳必先奔三國敗

諸侯之師乃搖心矣諸侯乖亂楚必大奔請先者去備

薄威後者敦陳整旅吳子從之戊辰晦戰于雞父二十
九日

違兵忌晦戰
擊楚所不意

吳予以罪人三千先犯胡沈與陳

因徒不
習戰示

不整三國爭之吳為三軍以繫於後中軍從王吳光帥右

掩餘帥左吳之罪人或奔或止三國亂吳師擊之三國

敗獲胡沈之君及陳大夫舍胡沈之囚使奔許與蔡頓
曰吾君死矣師譟而從之三國奔許蔡頓

許蔡頓

楚師大奔書曰

胡子髡沈子逞滅獲陳夏齧君臣之辭也不言戰楚未
陳也 楚大子建之母在郢召吳人而啓之冬十月甲

申吳大子諸樊入郢

案吳子遏號諸樊王僚是遏庶弟何容其弟乃取遏號為名恐傳寫

誤耳未詳

經二十有四年冬吳滅巢

傳見楚

昭二十有七年夏四月吳弑其君僚

傳二十七年春吳子欲因楚喪而伐之

前年楚平王卒

使公子

掩餘公子燭庸帥師圍潛使延平來季子聘于上國遂

聘于晉以觀諸侯楚菴尹然工尹麇帥師救潛左司馬

沈尹戌帥都君子與王馬之屬以濟師與吳師遇于窮

令尹子常以舟師及沙汭而還左尹郤宛工尹壽帥師至

于潛吳師不能退吳公子光曰此時也弗可失也

欲因其師

徒在外國不堪役以弑王告鯒設諸曰上國有言曰不索何獲我王

嗣也吾欲求之事若克季子雖至不吾廢也鯒設諸曰

王可弑也母老子弱是無若我何光曰我爾身也夏四月光伏甲於堦室而享王王使甲坐於道及其門門階戶席皆王親也夾之以鉢羞者獻體改服於門外鉢羞者坐行而入執鉢者夾承之及體以相授也光偽足疾入于堦室鱗設諸寘劔於魚中以進抽劔刺王鉢交於胃遂弑王闔廬以其子為卿季子至曰苟先君無廢祀民人無廢主社稷有奉國家無傾乃吾君也吾誰敢怨哀死事生以待天命非我生亂立者從之先人之道

也復命哭墓復位而待吳公子掩餘奔徐公子燭庸奔
鍾吾楚師聞吳亂而還

呂祖謙曰吳子間楚喪以伐楚而不知根本之虛
賢者國之望也乃使公子掩餘公子燭庸伐潛用
兵於外而又使季子聘于工國一時親賢皆在外
故公子光得窺伺間隙以行其謀觀公子光伏甲
享王之時吳王亦自知其謀故使甲坐于道及其
門門階戶席皆王之親當時設備如此其嚴然終

不免於禍是明知其謀而明陷於禍也

闔廬

名光諸樊子昭二十七年賊其君僚代立
明年改元至定四年伐越傷指病死在位

九年

昭公經三十年冬十有二年吳滅徐徐子章羽奔楚
傳三十年秋吳子使徐人執掩餘使鍾吳人執燭庸七年二公子奔楚楚子大封而定其徒使監馬尹大心奔故七年二公子奔楚楚子大封而定其徒使監馬尹大心
逆吳公子使居養莠尹然左司馬沈尹戌城之取於城

父與胡田以與之將以害吳也子西諫曰吳光新得國而親其民視民如子辛苦同之將用之也若好吾邊疆使柔服焉猶懼其至吾又彊其讎以重怒之無乃不可乎吳周之胄裔也而棄在海濱不與姬通今而始大比予諸華光又甚文將自同於先王大王王季亦自西戎始不知天將以為虐乎使剪喪吳國而封大異姓乎其抑亦將卒以祚吳乎其終不遠矣我盍姑億吾鬼神而寧吾族姓以待其歸將焉用自播揚焉王弗聽吳子怒冬十二月

吳子執鍾吾子遂伐徐防山以水之已郊滅徐

詳見徐

吳子問於伍貞曰初而言伐楚

在二
十年

余知其可也而恐

其使余往也又惡人之有余之功也今余將自有之矣

伐楚何如對曰楚執政衆而乖莫適任患若為三師以

肆焉

肆猶勞也

一師至彼必皆出彼出則歸彼歸則出楚必

道敝亟肆以罷之多方以誤之既罷而後以三軍繼之

必大克之闔廬從之楚於是乎始病

傳三十一年秋吳人侵楚伐夷侵潛六楚沈尹戌帥師

救潛吳師還楚師遷潛於南岡而還吳師圍弦左司馬
戌右司馬稽帥師救弦及豫章吳師還始用子胥之謀
也 冬十二月辛亥朔日有食之是夜也趙簡子夢童

子羸而轉以歌旦占諸史墨曰吾夢如是今而日食何
也對曰六年及此月也吳其入郢乎終亦弗克入郢必

以庚辰庚日有變日在辰尾故曰庚辰日月在辰尾庚午之日日始有

謫火勝金故弗克

庚午十月十九日去辛亥朔四十一日雖食在辛亥更以始變為占也午

南方楚之位也午火庚金也日以庚午有變故災在楚楚之仇敵唯吳故知入郢必吳火勝金者金為火剋食

在辛亥水也水
數六故六年

經三十有二年夏吳伐越

傳見越

定公經二年秋楚人伐吳

傳二年秋楚囊瓦伐吳師于豫章冬十月吳敗楚遂圍

巢克之

詳見楚

經四年冬十有一月庚午蔡侯以吳子及楚人戰于柏
舉楚師敗績庚辰吳入郢

傳四年伍貟為吳行人以謀楚楚之殺郤宛也

在昭三十年

伯氏之族出

郤 完

伯州犁之孫嚭為吳大宰以謀楚楚

自昭王即位無歲不有吳師蔡侯因之以其子乾與其

大夫之子為質於吳冬蔡侯吳子唐侯伐楚十一月庚

午二師陳于柏舉闔廬之弟夫槩王晨請先伐之弗許

以其屬五千先擊子常之卒楚師亂吳師大敗之五戰

及郢庚辰吳入郢以班處宮子山處令尹之宮夫槩王

欲攻之懼而去之槩王入之

吳軍無紀
律詳見楚

經五年夏於越入吳

傳五年夏越入吳吳在楚也六月申包胥以秦師至救楚大敗夫槩王于沂秋九月夫槩王歸自立也以與王戰而敗奔楚為堂谿氏吳師大敗吳子乃歸初鬪辛聞吳人之爭宮也曰不讓則不和不和不可以遠征吳爭於楚有亂必歸焉能定楚詳見楚

傳六年夏四月己丑吳太子終纍敗楚舟師獲潘子臣小惟子及大夫七人

經十有四年夏五月於越敗吳于檇李吳子光卒

傳十四年夏吳伐越越子勾踐禦之陳于檇李勾踐患

吳之整也使死士再禽焉不動使罪人三行屬効於頸而辭曰二君有治治軍旅臣奸旗鼓不敏於君之行前不敢逃刑敢歸死遂自剄也師屬之目越子因而伐之大

敗之靈姑浮

越大夫

以戈擊闔盧傷將指

其足大指見斬遂失屨

取

其一屨還卒於陘去檇李七里夫差使人立於庭苟出入必謂已曰夫差而忘越王之殺而父乎則對曰唯不

敢忘三年乃報越

後二年
哀元年

夫差

闔廬子定十四年嗣立明年改元即位之
十五年哀之十四年獲麟經終至二十二
年自剄死在位三十三年

哀公傳元年春吳王夫差敗越于夫椒報檇李也遂入
越越子以甲楯五千保于會稽使大夫種因吳大宰嚭
以行成吳子將許之伍員曰不可臣聞之樹德莫如滋
去疾莫如盡昔有過澆殺斟灌以伐斟鄩滅夏后相后
縉方娠逃出自竇歸于有仍生少康焉為仍牧正惎也

忌音澆能戒之澆使椒求之逃奔有虞為之庖正以除其

害虞思於是妻之以二姚而邑諸綸有田一成有衆一

旅方十里為成五百人為旅能布其德而兆其謀以收夏衆撫其官

職使女艾諜澆少康臣諜候也使季杼誘獮遂滅過戈復禹之

績祀夏配天不失舊物今吳不如過而越大於少康或

將豐之不亦難乎難乃旦切勾踐能親而務施施不失人親

不棄勞與我同壤而世為仇讎於是乎克而弗取將又

存之違天而長寇讎後雖悔之不可食已食消姬之衰

也日可矣也

吳姓

介在蠻夷而長寇讎以是求伯必不行

矣弗聽退而告人曰越十年生聚而十年教訓二十年

之外吳其為沼乎

謂吳宮室廢壞當為池沼

三月越及吳平吳入

越不書吳不告慶越不告敗也

吳之入楚也使召陳

懷公懷公不往及夫差克越乃修先君之怨

定四年閩盧入楚

秋八月吳侵陳修舊怨也吳師在陳楚大夫皆懼曰

閩盧惟能用其民以敗我於柏舉今聞其嗣又甚焉將

若之何子西曰二三子恤不相睦無患吳矣昔閩盧食

不二味居不重席室不崇壇器不形鏤切

魯豆

宮室不觀

舟車不飾衣服財用擇不取費在國天有災禍親巡孤

寡而共其乏困在軍熟食者分而後敢食其所嘗者卒

乘輿焉勤恤其民而與之勞逸是以民不罷音皮勞死知

不曠吾先大夫子常易之所以敗我也今聞夫差次有

臺榭陂池焉宿有妃嬪御焉一日之行所欲必成玩

好必從珍異是聚觀樂是務視民如讎而用之日新夫

先自敗也已安能敗我

經六年春吳伐陳夏叔遠會吳于柶

經七年夏公會吳于鄆

一本作繒

傳七年夏公會吳于鄆吳來徵百牢子服景伯對曰先王未之有也吳人曰宋百牢我時過吳魯不可以後宋且

魯牢晉大夫過十謂范鞅昭二十一年吳王百牢不亦可乎景伯

曰晉范鞅貪而棄禮以大國懼敝邑故敝邑十一牢之

君若以禮命於諸侯則有數矣若亦棄禮則有淫者矣

過周之王也制禮上物天子牢不過十二以為天之大數

溢

也天十二次今棄周禮而曰必百牢亦唯執事吳人弗聽景

伯曰吳將亡矣棄天而背本不與必棄疾於我乃與之

大宰嚭召季康子康子使子貢辭大宰嚭曰國君道長

言君長
於道路

而大夫不出門此何禮也對曰豈以為禮畏

大國也

畏大國不敢
虛國盡行

大國不以禮命於諸侯苟不以禮

豈可量也寡君既共命焉其老豈敢棄其國大伯端委

以治周禮仲雍嗣之斷髮文身羸以為飾豈禮也哉有

由然也

言其權時制宜以
辟災害非以為禮

反自鄭以吳為無能為也

經八年春王正月吳伐我

詳見內魯

傳九年秋吳城邗溝通江淮

經十年春王二月公會吳伐齊

傳見齊

冬吳救陳

傳十年冬楚子期伐陳吳延州來季子救陳謂子期曰
二君吳不務德而力爭諸侯民何罪焉我請退以為子

名務德而安民乃還

季子吳王壽夢少子壽夢以魯襄十二年卒至今七十歲壽夢卒

季子已能讓國年當十五六至今蓋九十餘矣

經十有一年夏五月公會吳伐齊甲戌齊國書帥師及

吳戰于艾陵齊師敗績獲齊國書

傳十一年夏公會吳伐齊五月克博壬申至于羸中軍從王胥門巢將上軍王子姑曹將下軍展如將右軍三將夫吳大甲戍戰于艾陵大敗齊師獲國書以獻于公哀

吳將伐齊越子率其衆以朝焉王及列士皆有饋賂吳人皆喜唯子胥懼曰是豢吳也夫若人養犧牲將殺之諫曰越在我心腹之疾也壞地同而有欲於我夫其柔服求濟其欲也不如早從事焉得志於齊猶獲石田也無所用之

石田不
可耕

越不為沼吳其泯矣使醫除疾而曰必遺類焉

者未之有也盤庚之誥曰其有顛越不共則劓殄無遺

育無俾易種于茲邑是商所以興也今君易之將以求

大不亦難乎弗聽使於齊屬其子於鮑氏為王孫氏改姓

王孫反役王聞之使賜之屬鏤以死

文陵役

將死曰樹吾墓

檣檣可材也吳其亡乎三年其始弱矣盈必毀天之道

也

經十有二年夏五月公會吳于橐臯

詳見魯

經十有三年夏公會晉侯及吳子于黃池於越入吳

傳十三年夏公會單平公晉定公吳夫差于黃池六月

丙子越子伐吳為二隧也疇無餘謳陽自南方先及郊

吳太子友王子地王孫彌庸壽於姚自泓上觀之

觀越師

彌庸見姑蔑之旗姑蔑越地曰吾父之旗也

彌庸父為越所獲故姑蔑人得

旗不可以見讎而弗殺也太子曰戰而不克將亡國請

待之彌庸不可屬徒五千王子地助之乙酉戰彌庸獲

疇無餘地獲謳陽越子至王子地守丙戌復戰大敗吳

師獲大子友王孫彌庸壽於姚丁亥入吳吳人告敗于王王患其聞也自剄一人於幕下以絕口秋七月辛丑

盟吳晉爭先吳人曰於周室我為長吳為大伯後故為長晉人曰

於姬姓我為伯趙鞅呼司馬寅曰日旰矣大事未成二臣之罪也寅建鼓整列二臣死之長幼必可知也對曰

請姑視之反曰肉食者無墨墨氣色下今吳王有墨國勝乎

國為敵所勝大子死乎且夷德輕不忍久請少待之乃先晉

人新注吳語云吳人先此夸大之辭吳人將以公見晉侯子服景伯對

使者曰王合諸侯則伯帥侯牧以見於王伯合諸侯
則侯帥子男以見於伯自王以下朝聘玉帛不同
故敝邑之職貢於吳有豐於晉無不及焉以為伯也
今諸侯會而君將以寡君見晉君則晉成為伯矣敝
邑將改職貢魯賦於吳八百乘若為子男則將半邾
以屬於吳半邾三百乘而如邾以事晉如邾六百乘且執事以
伯召諸侯而以侯終之何利之有焉吳人乃止既而
悔之謂景伯欺之將囚景伯景伯曰何也何景伯名立後於魯

矣將以二乘與六人從遲速唯命遂因以還及戶牖謂大宰曰魯將以十月上辛有事於上帝先王季辛而畢何世有職焉有職祭祀自襄以來未之改也魯若不襄若不

言魯祝宗將告神云景伯為

吳所因吳人信鬼故以恐之

會祝宗將曰吳實然言魯祝宗將告神云景伯為且謂魯不共而執其賤者七人何損焉大宰嚭言於王曰無損於魯而祇為名不如歸之乃歸景伯夫吳申

叔儀

吳大夫

乞糧於公孫有山氏魯大夫

曰佩玉繫兮余

無所繫之

繫然服飾備也已獨無以繫佩言吳王不恤下

旨酒一盛兮余與

禍之父睨之一盛一器睨視也禍寒賤對曰梁則無矣

之言但得視不得飲

對曰梁則無矣

麌則有之若登首山以呼曰庚癸乎則諾

軍中不得出糧故為私隱

庚西方主穀癸北方主水傳言王欲伐宋殺其丈夫而吳子不與士共飢渴所以亡

越平

傳十七年春三月越子伐吳吳子禦之吳師大亂遂敗之

詳見

傳十九年春越人侵楚以誤吳也

誤吳使不為備

傳二十年吳公子慶忌驟諫吳子曰不改必亡弗聽出居於艾遂適楚聞越將伐吳冬請歸平越遂歸欲除不忠者以說於越吳人殺之冬十一月越圍吳趙孟降於喪食襄子無恤時有父簡子之喪楚隆曰三年之喪親暱之極也主又降之無乃有故乎趙孟曰黃池之役先主與吳王有質在十三年先主簡子曰好惡同之今越圍吳嗣子不廢舊業而敵之欲敵越救吳非晉之所能及也吾是以為降楚隆曰若使吳王知之若何趙孟曰可乎隆曰請嘗之乃往先

造于越軍曰吳犯間上國多矣聞君親討焉諸夏之人
莫不欣喜唯恐君志之不從請入視之許之告於吳王
曰寡君之老無恤使陪臣隆敢展謝其不共黃池之役
君之先臣志父得承齊盟曰好惡同之今君在難無恤
不敢憚勞非晉國之所能及也使陪臣敢展布之王拜
稽首曰寡人不佞不能事越以為大夫憂拜命之辱與
之一簞珠使問趙孟問遣曰句踐將生憂寡人寡人死
之不得矣王曰溺人必笑吾將有問也以自喻所問不急猶溺人不知

所為而
反笑
史黯何以得為君子

晉史黯云不及四十年吳當亡吳王感問此也對

曰黯也進不見惡退無謗言王曰宜哉

傳二十二年冬十一月丁卯越滅吳請使吳王居甬東辭曰孤老矣焉能事君乃縗越人以歸

以其戶歸

吳語夫差將死使人說於子胥曰使死者無知則已矣若其有知吾何面目以見員也

右吳始終春秋凡七君書卒者四有故者二惟夫差後春秋經終哀二十二年越滅之

論曰吳國於東南而近楚故其通於中國也道遠而艱
其接於荆楚也境近而切攷之春秋宣八年及越從楚
盟始見于傳成七年吳伐鄭始見于經蒲及雞澤之會
以道遠不至而子鍾離于善道于粗皆於楚地焉就而
會之其交于中國者于戚于向而止爾蓋聽會同之外
無他事今日而入州來明日而滅州來今日而楚伐吳
明日而吳敗楚由巫臣通吳而後楚屢疲於奔命無復
異時城濮鄢陵之戰吾中國則吳人之為也故論者多

以通吳制楚為晉之權抑不思自晉通吳其後魯亦援之以戰齊吳遂乘之以駕晉則資之以利者適以貽中國之大患然後知古先聖人謹內外之防而絕外援之意足以為萬世鑒自鄭之伐至黃池之會凡一百有二年微之不謹末流必至於是春秋傷之始書吳伐鄭吳入州來末書公會晉侯及吳子于黃池於越入吳而春秋終焉則尊王室攘僭竊之分嚴而得失成敗之勢楚吳越盛衰之變可覩矣

春秋分記卷七十八

欽定四庫全書

春秋分記卷七十九

宋 程公說 撰

次國第一

杞

滕

薛

莒

杞

姒姓公爵周二王後其先出自夏禹夏亡湯封夏後於杞周武王克殷求禹之後得東樓公於杞仍

封其故國桓二年三年書侯莊二十七年書伯僖
二十三年二十七年書子文十二年成四年五年
七年九年十八年襄六年九年十年十一年十六
年十八年二十年二十二年二十四年又書伯二
十九年又書子昭二十六年定四年又書伯遂以
伯爵終春秋案夏後九命公也侯非本爵矣然自
桓二年始以侯見於經訖定四年其爵凡六變焉
國在今開封府雍丘縣杜預推尋事迹以為桓六

年淳于公亡國杞侯并之遷都淳于僖十四年又遷緣陵襄二十九年晉人城杞之淳于杞又遷淳于然考淳于於年婁為近以隱四年經推之則二邑宜皆為杞地云

武公

靖公

共公

惠公

或云
德公

成公

桓公

孝公

文公

平公

隱公

悼公

滑公

武公

謚法克定
謀娶公之子二十九年魯隱元
禍亂曰武

年桓八年卒在位四十七年

隱公經四年春王二月莒人伐杞取牟婁無傳

桓公經二年秋七月杞侯來朝九月入杞

傳二年秋七月杞侯來朝不敬杞侯歸乃謀伐之九月

入杞討不敬也

經三年夏六月公會杞侯于鄭

傳三年夏公會杞侯于鄭

傳五年冬淳于公如曹度其國危遂不復

按學左氏者以為淳于公亡國杞并有之遂遷都焉淳于公不見于經考隱四年莒人伐杞取牟婁牟婁為邑近于淳于則淳于為杞地宜有自矣或曰淳于公蓋杞公也杞初國於陳留桓六年遷于

淳于今密州是也其遷以地稱故曰淳于公如東樓公之類實則杞公也故但附之杞下而淳于公不復別著

靖公 謚法恭仁
鮮言曰靖

武公子桓八年嗣立明年改元
至莊十三年卒在位二十三年

桓公經十有二年夏六月壬寅公會杞侯莒子盟于曲地

共公 謚法敬長
奉上曰共

靖公子莊十三年嗣立明年改元至莊二十一年卒在位八年

惠公謚法愛民好予曰惠

共公子或云德公莊二十一年嗣立明年改元至僖五年卒在位十八年

莊公經二十有五年夏六月伯姬歸于杞傳

經二十有七年春公會杞伯姬于洮冬杞伯姬來魯傳見

杞伯來朝無傳

僖公經五年春杞伯姬來朝其子無傳

成公謚法安民立政曰成

惠公子僖五年嗣立明年改元
至二十三年卒在位十八年

僖公傳十三年夏會于鹹淮夷病杞故

經十有四年春諸侯城緣陵

傳十四年春諸侯城緣陵而遷杞焉不書其人有闕

也

經二十有三年冬十有一月杞子卒

傳二十三年冬十有一月杞成公卒書曰子杞夷也

右上五世春秋不詳見其名謚但書曰杞侯杞

伯杞子云爾至成公方書卒而不書名自桓公
以下始書焉今止用世本及史記年表劉恕外
紀編年參考年月存其世次云

桓公

謚法辟土
服遠曰桓

名姑容成公弟僖二十三年嗣立明
年改元至襄六年卒在位十七年

僖公經二十有七年春杞子來朝秋八月乙巳公子遂

帥師入杞

乙巳九月五日

傳二十七年春杞桓公來朝用夷禮故曰子公卑杞杞

不共也秋入杞責無禮也

經二十有八年秋杞伯姬來

無傳

經三十有一年冬杞伯姬來求婦

無傳自為其子成昏

文公經十有二年春王正月杞伯來朝

傳十二年春杞桓公來朝始朝公也

宣公經十有八年春公伐杞

無傳

成公經四年春三月杞伯來朝

傳四年春杞伯來朝歸叔姬故也

將出叔姬故先朝魯

經五年春王正月杞叔姬來歸

經八年冬十月癸卯叔姬卒

傳見魯

經九年春王正月杞伯來逆叔姬之喪以歸

傳九年春杞桓公來逆叔姬之喪請之也杞叔姬卒為杞故也逆叔姬為我也

經十有八年秋杞伯來朝

傳十八年秋杞桓公來朝勞公且問晉故公以晉君語之時晉悼初立魯成朝晉而歸杞伯於是驟朝于晉而請為昏

襄公經六年春王三月壬午杞伯姑容卒秋葬杞桓公
無傳

傳六年春杞桓公卒始赴以名同盟故也

孝公謚法秉德
不回曰孝

名匱桓公子襄六年嗣立明年改元至二十三年卒在位十七年

襄公經二十有三年春三月己巳杞伯匱卒夏葬杞孝

公無傳

傳二十三年春杞孝公卒晉悼公夫人喪之

晉平母孝公姊妹

平公不徹樂非禮也

文公謚法道德

博聞曰文

名益姑孝公弟襄二十三年嗣立明
年改元至昭六年卒在位十四年

襄公經二十有九年夏仲孫羯會晉荀盈齊高止宋華
定衛世叔儀鄭公孫段曹人莒人滕人薛人小邾人城
杞杞子來盟

傳二十九年晉平公杞出也故治杞六月知悼子合諸
侯之大夫以城杞使司馬女叔侯來治杞田使魯歸前
侵杞田

杞文公來盟書曰子賤之也

賤用夷禮

昭公經六年春王正月杞伯益姑卒夏葬杞文公

傳六年春王正月杞文公卒弟如同盟禮也

平公

謚法執事有律曰平

名郁釐文公弟昭六年嗣立明年改元至二十四年卒在位十八年

昭公傳七年夏四月晉人來治杞田為杞取成

經二十有四年秋八月丁酉杞伯郁釐卒

丁酉九月四日有日無月

冬葬杞平公

無傳

悼公 謚法肆行
無禮曰悼

名成文公弟昭二十四年嗣立明
年改元至定四年卒在位十二年

定公經四年春三月會于召陵夏五月盟于臯鼬杞伯
成卒于會秋七月葬杞悼公無傳

隱公 謚法不顯
尸國曰隱

名乞悼公子定四
年嗣立是年遇弑

隱公不見於春秋案史記世家悼公卒子隱公乞
立七月隱公弟遂弑隱公而自立是為僖公參之

世本外紀所載皆同今從之

僖公

謚法有伏
有遷曰僖

名過悼公子隱公弟定四年嗣立明
年改元至哀八年卒在位十九年

哀公經八年冬十有二月癸亥杞伯過卒

無傳

案世族譜云僖公過悼公曾孫按悼公祖文公以昭六年卒父平公以昭二十四年卒悼公以定四年卒未應有曾孫可以授之國也杞世家僖公過乃悼公子為得之矣

湣公

謚法使民
悲傷曰湣

名維僖公子哀八年嗣立明年改元六年
哀之十四年獲麟終二十四年卒在位

十六

年

哀公經九年春王二月葬杞僖公

無傳三
月葬速

右杞始終春秋凡十三公書卒者七不書卒者
四有故者一湣公後春秋經終湣公弟哀公三
年左氏之傳終矣哀公十年卒自哀公以下二
世十三年而楚滅之

論曰杞夏之後而天子之事守禮樂制度所從信也考其始九命為公在春秋桓之二年書侯至莊之二十七年降書伯僖之二十三年又降書子三書而三黜焉豈惟文獻不足以徵而禮秩之降甚矣子曰吾說夏禮杞不足徵也其是之謂乎

滕

姬姓侯爵其先出自文王子錯叔繡武王封錯於滕自錯至宣公十七世宣公之父隱七年卒書侯

而不名宣公始書侯後書子遂以子爵終春秋國
在今徐州滕縣

滕侯

宣公

昭公

文公

成公

悼公

頃公

隱公

滕侯

不詳嗣立改元之年
隱七年卒不見名謚

隱公經七年春三月滕侯卒

傳七年春滕侯卒不書名未同盟也凡諸侯同盟於是稱名故薨則赴以名告終稱嗣也以繼好息民謂之禮經

劉敞曰不書名未同盟也非也嘗同盟者卒未必皆名未嘗同盟者卒未必皆不名而左氏又云赴以名則書之不然則否若實從例則不當從赴若實從赴則無用設例今進不必從赴退不必從例

徒用是紛紛也且吾論同盟諸侯卒不必書名何者欲以名別同盟邪同盟已見於經不必書名乃知之也

宣公

謚法善問

周達曰宣

名嬰齊僖十九年宋人執之
春秋經傳皆不載卒葬月日

隱公經十有一年春滕侯薛侯來朝

傳十一年春滕侯薛侯來朝爭長薛侯曰我先封

薛祖奚仲

夏所封在周前滕侯曰我周之卜正也薛庶姓也我不可以後

之公使羽父請於薛侯曰君與滕君辱在寡人周謗有
之曰山有木工則度之賓有禮主則擇之周之宗盟異
姓為後寡人若朝于薛不敢與諸任齒薛任姓君若辱貺

寡人則願以滕君為請薛侯許之乃長滕侯

桓公經二年春滕子來朝

無傳

僖公經十有九年春王三月宋人執滕子嬰齊

傳十九年春宋人執滕宣公

昭公諱法容儀

恭美曰昭

宣公孫經傳不見嗣立
改元之年宣九年卒

文公經十有二年秋滕子來朝

傳十二年秋滕昭公來朝始朝公也

公即位始來朝

宣公經九年秋八月滕子卒冬十月宋人圍滕

傳九年秋滕昭公卒冬宋人圍滕因其喪也

文公

謚法忠信接禮曰文

宣九年嗣立明年改元至成十六年卒在位二十五年

宣公經十年夏六月宋師伐滕

傳十年滕人恃晉而不事宋六月宋師伐滕成公經十有六年夏四月辛未滕子卒

傳十六年夏四月滕文公卒

成公 謚法安民
立政曰成

名原世族譜文公子成十六年嗣立明
年改元至昭三年卒在位三十六年

襄公經六年滕子來朝

傳六年秋滕成公來朝始朝公也

傳三十一年冬十月滕成公來會葬襄公情而多涕子服

惠伯曰滕君將死矣急於其位而哀已甚兆於死所矣能無從乎

昭公經三年春王正月丁未滕子原卒夏叔弓如滕五月葬滕成公

傳三年春王正月丁未滕子原卒同盟故書名夏五月叔弓如滕葬滕成公子服叔為介

悼公

謚法恐懼
從處曰悼

名寧昭三年嗣立明年改元至二十八年卒在位二十五年

昭公經二十有八年秋七月癸巳滕子寧卒冬葬滕悼

公無傳

頃公諡法祗勤

追懼曰頃

名結魯昭二十八年嗣立明年改元至哀四年卒在位二十三年

哀公經二年夏四月滕子來朝

經四年秋八月甲寅滕子結卒冬十有二月葬滕頃公

傳無

隱公諡法不尸

其位曰隱

名虞母哀四年嗣立明年改

元至十一年卒在位七年

哀公經十有一年秋七月辛酉滕子虞母卒冬十一月

葬滕隱公

無傳

右滕始終春秋凡八公書卒者七不書卒者一
公之後六世而齊滅之

薛

任姓侯爵黃帝苗裔奚仲之後也夏封奚仲為薛
侯後遷于邳仲虺居薛為湯左相武王復以其胄

為薛侯隱十一年稱侯自襄五年戚之會稱伯遂以伯爵終國在徐州滕縣

薛侯

獻公

襄公

伯比

惠公

薛侯

魯隱十一年來朝稱
侯卒稱伯不知名謚

隱公傳十一年春滕侯宣薛侯來朝爭長薛侯曰我先

封為夏所封

在周之前

滕侯

曰薛庶姓也我不可以後之公使羽

父請於薛侯曰周之宗盟異姓為後寡人若朝于薛不

敢與諸任齒薛侯許之乃長滕侯詳見

滕

莊公經三十有一年夏四月薛伯卒無傳

獻公

名穀謚法質
智有聖曰獻

昭公經三十有一年夏四月丁巳薛伯穀卒秋葬薛獻

公無傳

傳三十一年夏四月薛伯穀卒同盟故書

襄公名定謚法開
土有德曰襄

定公傳元年春正月城成周宋曰薛吾役也

使代宋役

薛宰

曰薛之皇祖奚仲居薛以為夏車正奚仲遷于邳仲虺居薛以為湯左相若復舊職將承王官何故以役諸侯經十有二年春薛伯定卒夏葬薛襄公

無傳

伯比

定公經十有三年冬薛弑其君比

無傳

惠公

名夷謚法寬裕不苛曰惠

哀公經十年夏五月葬薛伯夷

春秋傳

無

春秋凡五公卒者四有故者一春秋

後莫得而詳

論曰滕侯宣公繼世以侯爵見於經自桓二年宣公來朝乃降稱子先儒謂為時王所黜或言其喪稱獨文定胡安國之言曰使時王能黜諸侯春秋豈復作乎且終春秋之世不復稱侯無喪稱之說矣春秋為誅亂臣討賊子而作法尤嚴於亂賊之黨今桓公弟弑兄臣弑君天

下大惡凡民罔弗憇也已不能討又先鄰國而朝之是反天理肆人欲與夷狄無異降而稱子狄之也嗚呼其責之深矣自是齊桓之伯九合諸侯不以兵車雖江黃遠國猶繼來盟而滕介齊宋之間不與衣裳之會者三十有七年至宋襄繼起遂見執焉春秋名以惡之蓋滕之降爵固以見其日就卑替然稽其始降則昉乎宣公為之也薛庶姓始以侯終以伯與滕壤地相錯故附于滕之後云

莒

已姓子爵其先出自顓頊之後陸終氏產六子第一
子曰樊已姓武王封茲輿期於莒初都計後徙莒自
茲輿期十一世而茲平始見於春秋世族譜云莒嬴
姓少昊之後世本自紀公以下為已姓不知誰是按
莒既為陸終苗裔不得為少昊之後又文公八年傳
穆伯奔莒從已氏此為已姓明矣國在密州已縣

莒子

茲平公

紀公

厲公

渠丘公

犁比公

展輿

著丘公

郊公

共公

莒子狂

莒子

于密

隱公經二年夏五月莒人入向冬十月紀子帛莒子盟

傳二年春莒子娶于向向姜不安莒而歸夏莒人入向以姜氏還

經四年春王二月莒人伐杞取牟婁

無傳

經八年秋九月辛卯公及莒人盟于浮來

傳八年秋公及莒人盟于浮來以成紀好也

二年之密盟

桓公經十有二年夏六月壬寅公會杞侯莒子盟于曲

池

傳十二年夏盟于曲池平杞莒也

隱四年莒人伐杞

莊公經二十有七年冬莒慶來遂叔姬

無傳慶大夫
姬莊公女

閔公經二年秋九月公子慶父出奔莒

傳見
內魯

茲平公

僖公經二十有五年冬十有二月公會衛子

成公
莒慶盟

于洮之怨

平莒
挈

經二十有六年春王正月己未公會莒子衛甯速盟于

向

傳二十六年春正月公會莒茲平公盟于向

並詳見
內魯

右二君春秋止書莒子及茲平公而不著其謚
不紀其年云

紀公

名庶其經傳不見嗣立改

元之年文十八年被弑

文公經十有八年冬莒弑其君庶其

傳十八年冬莒紀公生大子僕又生季佗愛季佗而黜
僕且多行無禮於國僕因國人以弑紀公以其寶玉來
奔納諸宣公公命與之邑曰今日必授季文子使司寇

出諸竟曰今日必達

詳見魯

厲公

名季佗紀公子世族譜次之渠
丘公之上而闕其年今從之

渠丘公

名朱文十八年嗣立明年改元
至成十四年卒在位三十二年

宣公經四年春王正月公及齊侯平莒及邾莒人不肯

公伐莒取向

傳四年春公及齊侯平莒及邾莒人不肯公伐莒取向

莒非禮也平國以禮不以亂伐而不治亂也以亂平亂
何治之有無治何以行禮

經十有一年夏公孫歸父會齊人伐莒

無傳

經十有三年春齊師伐莒

傳十三年春齊師伐莒恃晉而不事齊故也

成公傳七年秋八月同盟于馬陵莒服故也

莒本屬齊
齊服故莒

從之

傳八年秋晉侯使申公巫臣如吳假道于莒與渠丘公

立於池上

城池也

曰城已惡莒子曰辟陋在夷其孰以我

為虞對曰夫狡焉

狡猾之人

思啓封疆以利社稷者何國蔑

有唯然故多大國矣唯或思或縱也勇夫重閑况國乎

經九年冬十有一月楚公子嬰齊帥師伐莒庚申莒潰

楚人入郢

傳九年冬十一月楚子重自陳伐莒圍渠丘渠丘城惡

衆潰奔莒戊申楚入渠丘

十月五日

莒人囚楚公子平楚人

曰勿殺吾歸而俘莒人殺之楚師圍莒莒城亦惡庚申

莒潰十月十日楚遂入郢莒邑別莒無備故也君子曰恃陋

而不備罪之大者也備豫不虞善之大者也莒恃其陋

而不修城郭決辰之間而楚克其三都無備也夫決辰十二日

詩曰雖有絲麻無棄菅蒯雖有姬姜無棄蕉萃凡百

君子莫不代匱言備之不可已也

經十有四年春王正月莒子朱卒無傳

犁比公

名密州成十四年嗣立明年改元至
襄公三十一年遇弑在位三十五年

襄公經六年秋莒人滅鄭

鄭賂魯
莒滅之

傳八年夏莒人伐我東鄙以疆鄭田

經十年秋莒人伐我東鄙

傳十年秋九月莒人間諸侯之有事也

時諸侯
討鄭

故伐我

東鄙

經十有二年春王二月莒人伐我東鄙圍台季孫宿帥

師救台遂入鄆

傳十二年春莒人伐我東鄙圍台季武子救台遂入鄆

取其鍾以為公盤

經十有四年夏四月莒人侵我東鄙

無傳

傳十四年春會于向執莒公子務婁以其通楚使也

晉執之

傳十六年春會于涇梁以我故執莒犁比公且曰通齊楚之使

經二十年春王正月辛亥仲孫速會莒人盟于向

傳二十年春及莒平孟莊子會莒子盟于向督揚之盟

故也
十九年盟曰
大母侵小

經二十有三年冬齊侯襲莒

傳二十三年冬齊侯還自晉不入遂襲莒門于且于傷
股而退莒子親鼓之獲杞梁莒人行成

傳二十四年秋齊崔杼帥師遂伐莒侵介根

傳二十五年夏五月莒為且于之役故莒子朝于齊甲
戌饗諸北郭乙亥崔杼弑莊公丁丑立景公辛巳公與
大夫及莒子盟

經三十有一年冬十有一月莒人弑其君密州

傳三十一年莒犁比公生去疾及展輿既立展輿又廢

之犁比公虐國人患之十一月展輿因國人以攻莒子

弑之乃立

自立為君

去疾奔齊齊出也

母齊女故

展輿吳出也書

曰莒人弑其君買朱鉏

密州之字

言罪之在也

胡安國曰經以傳為案傳有乖謬則信經而弃傳

可也若密州之事是矣左氏稱莒子生去疾及展

輿既立展輿又廢之莒子虐國人患焉展輿因國

人以攻莒子弑之乃立信斯言則子弑其父也而春秋有不書乎故趙匡謂其文當曰展輿因國人之攻莒子弑之乃立而後來傳寫誤為以字爾

展輿

密州子襄三十一年嗣立明年改元出奔吳在位一年

昭公經元年春三月取鄆秋莒去疾自齊入于莒莒展輿出奔吳叔弓帥師疆鄆田

傳元年春三月季武子伐莒取鄆 莒展輿立而奪羣

公子秩公子召去疾于齊秋齊公子鉏納去疾展輿奔
吳叔弓帥師疆鄆田因莒亂也於是莒務婁稽胡及公
子滅明以大厖與常儀靡出奔齊三子展輿黨大厖
常儀靡莒二邑君子曰莒展之不立弃人也夫人可弃乎詩曰無競維人
善矣烈文

劉敬權衡曰君子曰莒展之不立弃人也若是末
哉君子之言也夫展輿親弑其君而不問弃人而
譏之是謂弃人重於弑父也藉使展輿但勿弃人

卷之四
以濟其不義之身則固以為賢矣不亦害教乎

著丘公

名去疾，葬比公子襄三十一年出奔齊昭元年復入立，明年改元至十四年卒，在位十三年

昭公經四年秋九月取鄫

傳四年秋九月取鄫言易也。鄫亂，著丘公立而不撫鄫，鄫叛而來，故曰取。

石季長曰：鄫嘗與魯爭鄫而滅之，今復為魯之所

取也不繫之莒不許莒之有鄫

經五年夏莒牟夷以牟婁及防茲來奔秋七月戊辰叔弓帥師敗莒師于蟠泉

傳五年夏莒牟夷以牟婁及防茲來奔莒人憩于晉秋七月莒人來討不設備戊辰叔弓敗諸蟠泉莒未陳也

傳十年秋七月平子伐莒取鄭獻俘

並詳見
內魯

經十有四年秋八月莒子去疾卒冬莒殺其子意恢傳十四年秋八月莒著丘公卒郊公不感國人弗順欲

立著丘公之弟庚輿蒲餘侯茲惡公子意恢而善於庚

夫茲

輿郊公惡公子鐸而善於意恢公子鐸因蒲餘侯而與

之謀曰爾殺意恢我出君而納庚輿許之冬十二月蒲

餘侯茲夫殺莒公子意恢郊公奔齊公子鐸逆庚輿於

齊齊隰黨公子鉏送之有賂田

莒賂齊以田

郊公

著丘公子昭十四

年嗣立數月奔齊

共公

名庚輿著丘公之弟昭十四年立明
年改元至二十三年來奔在位九年

昭公經十九年秋齊高發帥師伐莒

傳十九年秋齊高發帥師伐莒莒子奔紀鄭邑使孫書
伐之初莒有婦人莒子殺其夫已為嫠婦嫠婦寡也及

老託於紀鄣紡焉以度而去之

連所紡繡以度城而藏之以待外攻者欲報讎

師至則投諸外或獻諸子占孫子占使師夜縋而登

者六十人縋絕師鼓譟城上之人亦譟莒共公懼啟西

門而出七月丙子齊師入紀

經二十有二年春齊侯伐莒

傳二十二年春王二月甲子齊北郭啟帥師伐莒莒子將戰苑於元羊牧之諫莒大曰齊師賤其求不多不如下之大國不可怒也弗聽敗齊師于壽餘齊侯伐莒莒子行成司馬竈如莒涖盟莒子如齊涖盟盟于稷門之外莒於是乎大惡其君

經二十有三年秋七月莒子庚輿來奔

傳二十三年秋七月莒子庚輿虐而好劙苟鑄劙必試

諸人國人患之又將叛齊烏存莒大夫帥國人以逐之庚

輿將出聞烏存執殳而立於道左懼將止死苑羊牧之

曰君過之烏存以力聞可矣何必以弑君成名遂來奔

齊人納郊公

郊公後

嗣立未踰年出奔在外九年今復入

莒子狂

哀公經十有四年夏五月莒子狂卒

右莒始終春秋凡十公書卒者二不書卒者四有故者三狂卒在春秋經終見於續經云

論曰齊魯皆山東大國莒介居齊境之東南而魯之東境也考其首末隱二年紀莒盟于密為和魯也八年而為浮來之盟終隱公世未嘗侵伐至閔僖間慶父奔莒莒卒受獲渝前盟而兆新怨矣雖有于洮于向之盟至宣公世伐莒者二而襄公時莒人伐我者三侵我者一我既不勝則會盟於向以求之至昭公而取鄆取郿雖

僅能勝莒然納年庚之邑興盼泉之師其曲在魯違于
伐莒取鄭兵戈相尋迄無寧歲若齊則自宣十一年會
魯伐莒之後侵之伐之襲之而莒曾不敢少陵齊焉故
觀莒之所以待齊魯則知魯之不敵於齊也尚矣嗚呼
以勢相加以力相關而變齊至魯變魯至道之風邈乎
其不能復可嘆也

春秋分記卷七十九

欽定四庫全書

春秋分記卷八十

宋 程公說 撰

次國第一

邾

小邾

越

許

邾

曹姓子爵其先出自顓頊之後陸終氏產六子第
五子曰晏安周武王克商封晏安苗裔曹俠于邾

為附庸自安至儀父十二世其後數從齊桓公莊
公十六年稱子國在今襲慶府鄒縣其後文公遷
于繹在鄒縣北

儀父克

邾子瑣

文公

定公

宣公

悼公

莊公

隱公

桓公

太子何案太子何傳作公子何

儀父克

名克王未賜命以為諸侯故以字名其後
儀父事齊桓公以獎王室王命為邾子莊

十六

年卒

隱公經元年春三月公及邾儀父盟于蔑

傳元年春三月公及邾儀父盟于蔑邾子克也未王命
故不書爵曰儀父貴之也

孫復曰邾附庸國儀父字附庸之君未得列于諸
侯故書字以別之桓十七年公會邾儀父盟于趙

莊二十三年蕭叔朝公是也

冬鄭人以王師伐衛請師於邾邾人鄭人盟于翼

經五年秋九月邾人鄭人伐宋

傳五年宋人取邾田邾人告于鄭鄭人以王師會之伐

宋詳見

經七年秋公伐邾

傳七年秋七月公伐邾為宋討也

公距宋而與鄭平鄭與宋盟故懼而伐邾

宋以求

桓公經十有五年夏邾人年人葛人來朝

無傳

經十有七年春二月丙午公會邾儀父盟于趙秋及宋

人衛人伐邾

傳十七年春及邾儀父盟于趙尋幾之盟也秋伐邾宋

志也

邾宋爭疆魯從宋志背趙盟

莊公經十有六年冬十有二月邾子克卒

無傳

邾子瑣

名瑣邾子克子莊十六年嗣立明年

改元至二十八年卒在位十二年

程氏春秋分記

三

莊公經二十有八年夏四月丁未邾子瑣卒

無傳

文公

謚法慈惠
愛民曰文

名蘧
蓬萊鄒子瑣子莊二十八年嗣立明
年改元至文十三年卒在位五十二年

僖公經元年秋八月公會齊侯宋公鄭伯曹伯邾人于

檉

新注邾會
諸侯始此

傳元年秋九月公敗邾師于偃虛丘之戍將歸者也

丘虛

地邾

經二十有一年冬公伐邾

無傳

傳二十一年冬邾人滅須句須句子來奔

經二十有二年春公伐邾秋八月丁未及邾人戰于升
陘

傳二十有二年春伐邾取須句 秋邾人以須句故出
師公卑邾不設備而御之臧文仲曰國無小不可易也
君其無謂邾小蠭蠭有毒而況國乎弗聽八月丁未公
及邾師戰于升陘我師敗績邾人獲公胄縣諸魚門

胡安國曰記稱邾婁復之以矢蓋自戰于升陘始

也魯師敗績邾亦幾亡輕用師徒害及兩國亦異於誅暴禁亂之兵矣

經二十有八年冬公會晉侯齊侯宋公蔡侯鄭伯陳子莒子邾人秦人于溫

經三十有三年夏公伐邾取訾婁秋公子遂帥師伐邾傳三十三年夏公伐邾取訾婁以報升陘之役邾人不設備秋襄仲復伐邾

文公傳七年春公伐邾間晉難也

晉襄公卒

三月甲戌取須

句寘文公子焉

邾文公子
叛在魯

經十有三年夏五月邾子遂葬卒

傳十三年邾文公卜遷于繹

邾邑

史曰利於民而不利於

君利子曰苟利於民孤之利也天生民而樹之君以利之也民既利矣孤必與焉左右曰命可長也君何弗為

邾子曰命在養民死之長短時也民苟利矣遷也吉莫

如之遂遷于繹五月邾文公卒君子曰知命

定公

謚法安民
大慮曰定

名糲且文公子文十三年嗣立明年改元至成十七年卒在位四十年

文公經十有四年春王正月邾人伐我南鄙叔彭生帥師伐邾秋七月晉人納捷菑于邾弗克納

傳十四年春邾文公之卒也公使弔焉不敬邾人來討伐我南鄙故惠伯伐邾邾文公元妃齊姜生定公二妃晉姬生捷菑文公卒邾人立定公捷菑奔晉六月同盟于新城且謀邾也謀納捷菑秋七月晉趙盾以諸侯之

師八百乘六萬人納捷菑于邾邾人辭曰齊出糲且長宣

子趙盾曰辭順而弗從不祥乃還

宣公經元年秋邾子來朝

無傳

經十有八年秋七月邾人戕鄫子于鄫

邾傳見

成公經六年夏六月邾子來朝

無傳

經十有七年冬十有二月邾子糴且卒

無傳

宣公諡法善聞

周達曰宣

名姬定公子成十七年嗣立明年改元至襄十七年卒在位十八年

成公經十有八年秋八月邾子來朝

傳十八年秋八月邾宣公來朝即位而來見也

襄公傳四年冬十月邾人莒人伐鄭臧紇救鄭侵邾敗

於狐駘

傳六年冬穆叔如邾聘且脩平

平四年
狐駘戰

經十五年秋邾人伐我南鄙

詳見魯

傳十六年春會于湢梁以我故執邾宣公

前年邾人伐魯晉平為魯

之討

經十有七年春二月庚午邾子涖卒

無傳

冬邾人伐我

南鄙傳見

曾

悼公

謚法恐懼
從處曰悼

名華宣公子襄十八年嗣立明年
改元至昭元年卒在位十五年

襄公經十有九年春晉人執邾子取邾田自漷水

傳十九年春諸侯盟于督揚執邾悼公以其伐我故取

邾田自漷水歸之于我

經二十年秋仲孫速帥師伐邾

傳二十年邾人驟數也至以諸侯之事弗能報也

十五年十七年

魯秋孟莊子伐邾以報之

伐

經二十有一年春邾庶其以漆閭丘來奔

見傳魯

經二十有三年夏邾畀我來奔

無傳庶其之黨

經二十有八年夏邾子來朝

傳二十八年夏邾悼公來朝時事也

昭公經元年夏六月丁巳邾子華卒秋葬邾悼公

無傳

莊公

謚法勝敵
克亂曰莊

名穿悼公子昭元年嗣立明年
改元至定三年卒在位三十四年

昭公經十有八年夏六月邾人入鄅

傳十八年夏六月邾人襲鄅鄅人將閉門邾人羊羅攝其首焉斬得閒門者首遂入之盡俘以歸鄅子從帑於鄅莊公

反鄅夫人而舍其女

經十有九年春宋公伐鄅

傳十九年鄅夫人宋向戌女也故向寧請師二月宋公伐鄅圍蟲三月取之乃盡歸鄅俘

傳二十三年春鄅人城翼還將自離姑從離姑則道經魯之武城公

孫鉏

邾大夫

曰魯將御我欲自武城還循山而南徐鉏丘

弱茅地

三子邾大夫

曰道下遇雨是不歸也

謂此山道下濕遂自離

姑武城人塞其前

以兵塞其前道

斷其後之木而弗殊邾師過

之乃推而墜之遂取邾師獲鉏弱地邾人憩于晉晉人

來討

詳見內魯

經二十有七年冬邾快來奔

無傳

經三十有一年冬黑肱以濫來奔

傳三十一年冬邾黑肱以濫來奔賤而書名重地故也

定公傳二年冬邾莊公與夷射姑飲酒私出閭乞肉焉
奪之杖以敲之

經三年春二月辛卯邾子穿卒秋葬邾莊公六月而葬緩冬仲孫何忌及邾子盟于拔

傳三年春二月辛卯邾子在門臺臨廷閭以餅水沃廷邾子望見之怒閭曰夷射姑旋小便焉命執之見其不潔故執射姑弗得滋怒自投于牀廢墮也于爐炭爛遂卒先葬以車五乘殉五人莊公下急而好潔故及是

隱公 諱法不尸

其位曰隱

名益莊公子定三年嗣立哀七年魯執之
吳人歸之又奔魯奔齊奔越越人歸之三

年而又執

之以歸

定公經十有四年邾子來會公

無

經十有五年春邾子來朝

傳見魯

哀公經元年冬仲孫何忌帥師伐邾

無

經二年春王二月季孫斯叔孫州仇仲孫何忌帥師伐
邾取漷東田及沂西田癸巳叔孫州仇仲孫何忌及邾

子盟于句繹

傳二年春伐邾將伐絞邾邾人愛其土故賂以漷沂之
田而受盟

經三年冬十月叔孫州仇仲孫何忌帥師圍邾

無傳

經六年冬仲孫何忌帥師伐邾

傳

經七年秋公伐邾八月己酉入邾以邾子益來

傳七年秋魯伐邾及范門猶聞鍾聲

邾不禦寇

大夫諫不聽

茅成子邾大夫請告於吳不許曰魯擊析聞於邾吳二千

里不三月不至何及於我且國內豈不足足以成子以

足以
距魯

成子以

茅叛師遂入邾處其宮衆師晝掠邾衆保于繹以邾子

益來獻于毫社囚諸負瑕邾茅夷鴻以束帛乘韋自請

救於吳詳見
魯

桓公

謚法辟土
服遠曰桓

名華隱公子哀八年吳囚隱公而立華是為桓公立七年魯哀之十四年獲麟經終

二十二年奔越
在位十五年

哀公經八年春吳伐我夏歸邾子益于邾

傳八年春吳為邾故伐魯吳人行成盟而還夏六月歸

邾子公隱邾子又無道吳子使大宰子餘討之囚諸樓臺

棓之以棘使諸大夫奉太子革以為政

經十年春王二月邾子益來奔

傳十年春邾隱公來奔齊甥也故遂奔齊

傳二十二年夏四月邾隱公自齊奔越曰吳為無道執

父立子公為桓越人歸之公歸隱大子革奔越

公子何

名何大子，葬弟哀公二十四年，越人復執隱公而立。何四年，左氏之傳終矣。

袁公傳二十四年，邾子隱公又無道，越人執之以歸而立

公子何，何亦無道。

傳二十七年春，越子使后庸來聘，且言邾田封于駘上。
欲使魯還邾田
封竟至駘上。二月，盟于平陽。

右邾始終春秋，凡十公。書卒者七，有故者二。公子何後春秋經終，何以下七世而楚滅之。

小邾

曹姓子爵其先出自小邾俠之後世本云邾顏居
邾肥徙鄖宋仲子注云邾顏別封小子肥於鄖為
小邾子則顏是邾君肥始封鄖譜云小邾邾俠之
後也夷父顏有功於周其子友別封為附庸居鄖
世本言肥杜譜言友當是一人也初本鄖國犁來
佐齊桓公王命為小邾子穆公之孫惠公以下春
秋後六世而楚滅之國在今徐州滕縣東南

鄖犁來

穆公

小邾子

鄭犁來

莊公經五年秋鄭犁來來朝

傳五年秋鄭犁來來朝名未王命也

未受爵為諸侯

胡安國曰鄭國也犁來名也國何以名夷狄之附庸也中國附庸例書字邾儀父蕭叔是也夷狄附庸例書名鄭犁來介葛盧是也能修朝禮故特書曰朝其後王命以為小邾子蓋於此已能自進於

禮矣

經十有五年秋宋人齊人邾人伐鄖

傳十五年秋諸侯為宋伐鄖

鄖屬宋而叛故齊桓為宋伐之

僖公經七年夏小邾子來朝

無傳鄖犁來始得王命而來朝

穆公

謚法布德執義曰穆

世族譜名魁
鄖犁來之孫

襄公經七年夏小邾子來朝

傳七年夏小邾穆公來朝始朝公也

昭公經三年秋小邾子來朝

傳三年秋七月小邾穆公來朝季武子欲卑之穆叔曰不可曹滕二邾實不忘我好敬以逆之猶懼其貳又卑一睦焉謂小邾逆羣好也其如舊而加敬焉志曰能敬無災又曰敬逆來者天所福也季孫從之

經十有七年春小邾子來朝

傳十七年春小邾穆公來朝公與之燕季平子賦采叔君子來朝何錫與之既見君子穆公賦菁菁者莪樂且有儀昭子曰不有以

國其能久乎

小邾子

哀公經四年春宋人執小邾子

無傳不詳名世

傳十四年春小邾射以句驛來奔

詳見內魯

右小邾穆公之孫惠公以下春秋後六世而楚滅之

論曰春秋書蔑之盟邾儀父以字見書鄭犁來朝皆附庸也自是得與中國玉帛之好卒書邾子小邾子則俱受命

班於五等矣左傳志文公遷繹也祝史以利於民不利於君為言文公曰民既利也孤何患焉遷繹而卒君子謂其知命而穆公之如魯觀其荅賦之詩有得於禮顧不諒歟

越

姒姓子爵其先夏少康庶子杼封於會稽以奉禹祀號於越於者夷言發聲也濱在南海不與中國通宣八年楚子盟吳越始見於傳至允常二十七世外傳曰芊姓歸越越非夏后之後此誤也國在

今紹興府會稽縣

宣公傳八年夏楚滅舒蓼及滑汭盟吳越而還

允常

春秋不書允常而史記以為魯定公十四年允常卒句踐立云

昭公經三十有二年夏吳伐越

傳三十二年夏吳伐越始用師於越也史墨曰不及四

十年越其有吳乎

魯哀二十二年越滅吳至此三十八歲

越得歲而吳伐

之必受其歟

此年歲在星紀越之分歲星所在其國有福吳先用兵必受其殃

定公經五年夏於越入吳

傳五年夏越入吳吳在楚也

時入吳郢

句踐

允常子并吳伯諸侯案紀年云晉出公十
年十一月於越子句踐卒春秋後七世大
為楚所破
遂微弱矣

定公經十有四年夏五月於越敗吳于檇李

傳十四年夏吳伐越越子句踐禦之於檇李大敗之靈
姑浮以戈擊闔廬闔廬傷指還卒於陘

詳見吳

哀公傳元年吳王夫差敗越於夫椒報檇李也遂入越
越子以甲楯五千保于會稽使大夫種因吳大宰嚭以
行成吳子將許之伍員曰不可句踐能親而務施施不
失人親不弃勞與我同壤而世為仇讎於是乎克而弗
取將又存之違天而長寇讎後雖悔之不可食已食消
也已
止姬之哀也日可俟也姬吳弗聽退而告人曰越十年
生聚而十年教訓二十年之外吳其為沼乎三月越及

吳平

傳十一年吳將伐齊越子率其衆以朝焉王及列士皆有饋賂吳人皆喜惟子胥懼曰是豢吳也夫詳見吳經十有三年夏於越入吳

傳十三年夏公會單平公晉定公吳夫差于黃池六月丙子越子伐吳為二隧隧二道也疇無餘謳陽越大夫自南方先及郊乙酉戰丙戌復戰大敗吳師獲太子友王子地王孫彌庸壽於姚丁亥入吳冬吳及越平夫差以秋盟而歸傳十七年春三月越子伐吳吳子禦之笠澤夾水而陳

越子為左右句卒使夜或左或右鼓譟而進吳師分以
御之越子以三軍潛涉當吳中軍而鼓之吳師大亂遂
敗之

傳十九年春越人侵楚以誤吳也

誤吳使不為備

夏楚公子慶

公孫寬追越師至冥越地不及乃還秋楚沈諸梁伐東夷

報三夷男女及楚師盟于敖

從越之夷三種

傳二十年冬十一月越圍吳

傳二十二年夏五月越人始來

越勝吳始遣使適魯

傳二十二年冬十一月丁卯越滅吳吳王縊越人以歸
以其尸歸

詳見吳

傳二十三年秋八月叔青如越始使越也越諸鞅來聘
報叔青也

傳二十四年閏月公如越得太子適郢

適郢越王大子得相親說

傳二十七年春越子使后庸來聘且言邾田封於駘上

二月盟于平陽

右越自勾踐滅吳霸中國卒春秋後七世大為

楚所破遂以微弱

論曰越句踐其可謂有志也已奮於僻陋之邦苦心焦
思卒滅強吳時方春秋季世霸降為強以句踐之功雖
不敢望五霸而於忍苦雪耻君子猶有取焉惜其自是
遂安於蠻夷忘意於中國故自句踐後皆固陋無聞然
惟其無聞也故亦不至驟以覆亡也豈以見吳之崛強
而知鑑之歟

許

姜姓男爵與齊同祖其先出自炎帝裔孫伯夷為
堯四岳武王封其苗裔文叔於許以續大岳之祀
自文叔至莊公十一世國在潁昌府長社縣許田
鎮靈公徙葉悼公遷夷又居折至斯處容城云

莊公

穆公

僖公

昭公

靈公

悼公

許男

元公

莊公 諱法勝敵
克亂曰莊

未詳名出次及年世族譜名苴人弗隱十一年鄭伐許莊公奔衛杜預注云并不書

兵亂適逃未知所在孔

穎達正義云以是年卒

隱公經十一年秋七月壬午公及齊侯鄭伯入許

傳十一年夏公會鄭伯于邾時謀伐許也 秋七月公

會齊侯鄭伯伐許庚辰傳附于許鄭師畢登壬午遂入

許許莊公奔衛齊侯以許讓公公曰君謂許不共恭故從君討之許既伏其罪矣雖君有命寡人弗敢與聞鄭

伯使許大夫百里奉許叔以居許東偏曰天禍許國而
假手于我寡君吾子其奉許叔以撫柔比民也夫許大
岳之胤也吾其能與許爭乎詳見鄭

穆公謚法布德執義曰穆

名新臣莊公第一名許叔隱十一年鄭伐
許莊公奔衛鄭使許大夫奉許叔居東偏
桓十五年乃入居位僖四年卒居外十
五年入居位四十二年共五十七年

桓公經十有五年夏許叔入于許公會齊侯于艾
傳十五年夏六月許叔入于許公會齊侯于艾謀定許

也

黎錞曰特書許叔入于許欲見許中興於叔也叔當書名而特書字者欲見其異於篡者也案例國逆曰歸否曰入叔書入者亦欲見許無人焉但叔哀社稷之隕而自入也

莊公經二十有九年夏鄭人侵許

僖公經四年夏許男新臣卒秋八月葬許穆公

傳四年春齊侯以諸侯之師伐楚夏次于召陵許穆公

卒于師葬之以侯禮也

男而以侯禮加一等

凡諸侯薨于朝會加

一等死王事加二等於是有以袞斂

力

一切

斂

僖公 謂法小心

畏忌曰僖

名業穆公子僖四年嗣立明年改元至文五年卒在位三十四年

僖公經六年秋楚人圍許諸侯遂救許

僖六年夏諸侯伐鄭秋楚子成圍許以救鄭諸侯救許

乃還 冬蔡穆公將許僖公以見楚子於武城許男面

縛銜璧大夫衰絰士輿櫬楚子問諸逢伯對曰昔武王

克殷微子啟如是武王親釋其縛受其璧而祓之焚其
櫬禮而命之使復其所楚子從

公說曰聞之劉敞曰經書諸侯救許圍已解安
得自忍追降于楚哉自後會洮許男與會亦足以
知其初不降楚也敞因疑左氏之妄如此今考之
書殷既錯天命微子誥父師少師曰我其發出狂
吾家耄遜于荒孔安國注曰我念商亡發疾生狂
在家耄亂欲遜出荒野而語亦曰微子去之箕子

為之奴比干諫而死史記亦曰紂愈淫亂不止微子數諫不聽乃與大師少師謀遂去則是紂未滅之前微子已去商矣安有武王克商之後微子乃備亡國之禮而出降乎若然則與為奴等耳豈自靖人自獻先王之意哉以書論語史記所述微子本末而證左氏載許男之事疑近誣云

傳二十八年冬丁丑諸侯圍許

十月十二日
有日無月

經三十有三年冬十有二月晉人陳人鄭人伐許

傳三十三年冬晉陳鄭伐許討其貳於楚也

文公經五年冬十月甲申許男業卒

無傳

昭公

謚法容儀
美曰昭

名錫我僖公子文五年嗣立明年
改元至宣十七年卒在位三十年

文公經六年春葬許僖公

無傳

宣公經十有七年春王正月庚子許男錫我卒夏葬許

昭公

無傳

靈公

謚法亂而不
捐曰靈

名甯昭公子宣十七年嗣立明年改元至襄二十六年卒在位四十五年

成公傳二年楚令尹子重為陽橋之役王卒盡行蔡景公為左許靈公為右冬十一月盟于蜀蔡侯許男不書乘楚車也謂之失位君子曰位其不可不慎也乎蔡許之君一失其位不得列於諸侯况其下乎詩曰不解于位民之攸暨具是之謂矣乘楚王車為左右有求臣僕之意此春秋所以不書而左氏謂之失位也

傳三年夏許恃楚而不事鄭鄭子良伐許

詳見鄭

傳四年冬鄭公孫申帥師疆許田許人敗諸展陂鄭伯伐許取鉏任泠敦之田鄭伯與許男訟焉

經見鄭

傳五年夏許靈公憩鄭伯于楚

傳八年春晉侵楚鄭伯將會晉師門于許東門大獲焉

遇許乘無備

經十有四年秋鄭公子喜帥師伐許

傳十四年秋八月鄭子罕伐許敗焉戊戌鄭伯復伐許

庚子入其郛許人平以叔申之封

四年鄭公孫申疆許田許人敗之不得定

其封

疆

經十有五年冬十有一月許遷于葉

傳十五年冬十一月許靈公畏逼于鄭請遷于楚辛丑

楚公子申遷許于葉

襄公傳三年許靈公事楚不會于雞澤

晉悼為
雞澤盟
冬晉知

武子帥師伐許

經十有六年夏叔老會鄭伯晉荀偃衛甯殖宋人伐許

傳十六年春會于湢梁許男請遷于晉

欲叛
楚

諸侯遂遷

許許大夫不可晉人歸諸侯

惟以師討許之不肖遷也

鄭子蟬聞將

伐許遂相鄭伯以從諸侯之師穆叔從公齊子帥師會

晉荀偃書曰會鄭伯為夷故也

夷平

夏六月次于棫林

庚寅伐許次于函氏晉荀偃欒黶帥師伐楚復伐許而

還

經二十有六年秋八月壬午許男甯卒于楚冬楚子蔡

侯陳侯伐鄭葬許靈公

傳二十六年許靈公如楚請伐鄭

十六年晉伐許他國皆大夫從獨鄭伯自

行故許急欲報之曰師不興孤不歸矣八月卒于楚楚子曰不行故許急

伐鄭何以求諸侯冬十月楚子伐鄭十二月入南里墮其城歸而後葬許靈公

許見鄭

悼公

謚法恐懼

悼

徙處

曰

名買靈公子襄二十六年嗣立明年改元至昭十九年遇弑卒在位二十四年

昭公傳四年春王正月許男如楚楚子止之田江南許

男與焉

經九年春許遷于夷

傳九年春二月庚申楚子奔疾遷許于夷實城父取州來淮北之地以益之益許伍舉授許男田然丹遷城父

人於陳以夷濮西田益之遷方城外人於許

傳十三年楚之滅蔡也靈王遷許於荆焉平王即位而復之禮也

經十有八年冬許遷于白羽

傳十八年夏五月宋衛陳鄭火許不弔災君子是以知許之先亡也楚左尹王子勝言於楚子曰許於鄭

仇敵也而居楚地以不禮於鄭

十三年平王復遷

晉鄭邑許自夷還葉

方睦鄭若伐許而晉助之楚喪地矣君盍遷許許不專

於楚鄭方有令政許曰余舊國也

許先封

鄭曰余俘邑也

隱十一年鄭滅許復存之故曰我俘葉在楚方城外之蔽也土不可易國

不可小謂許不可俘讎不可啟君其圖之楚子說冬楚

子使王子勝遷許於析實白羽

經十有九年夏五月戊辰許世子止弑其君買

加弑者責止不

舍藥物冬葬許悼公

無傳

傳十九年夏許悼公瘧五月戊辰飲大子止之藥卒止
進藥不由醫

大子奔晉書曰弑其君君子曰盡心力以事君
舍藥物可也

蘇轍曰許悼公瘧飲世子止之藥而卒其以弑書
之何也止雖不志乎弑而君由止以卒則亦止弑
之也君由止以卒而不以弑君書之則臣將輕其
君子將輕其父亂之道也故止之弑君雖異乎楚
商臣蔡般也而春秋一之所以隆君父也

許男

名斯悼公子昭十九年嗣立明年改元二十一年定之六年鄭滅許以許男斯歸不詳

卒年

昭公經二十有三年秋七月戊辰吳敗頓胡沈蔡陳許之師于雞父

定公經四年夏六月許遷于容城

無傳

經六年春王正月癸亥鄭游速帥師滅許以許男斯歸傳六年春鄭滅許因楚敗也

時吳破楚入郢

元公 謐法主善
行德曰元

名成不詳何年嗣
立世族譜悼公孫

哀公經元年楚子陳侯隨侯許男圍蔡

定六年鄭滅許此後見者蓋楚

復封之

經十有三年夏許男成卒秋葬許元公

無傳

右許始終春秋凡八公書卒者五不書卒者一

有故者二元公子結元年哀之十四年春秋經

終後二十四世楚滅之

論曰許之為國既小而偏在靈公世始遷于葉至悼公
自葉遷夷自夷遷白羽許男斯又遷于容城夫為諸侯
而不能守其境土保其社稷數遷數易奔走之不暇春
秋詳錄而譏之若曰許遷于某者猶其意也用見許之
危弱而不能自守矣悲夫

春秋分記卷八十